





P1-P43

垂翅何由更奮澠敢從岳二折高稜
絳珠入掌
淫銀蠟虹氣凌霄倒絳繩紫鳳管如天
十度青
迎香自舌邊承北朝流落推詞苑
孝穆声華見
幾會

其二

寒森庭相鎖幽龕高會聊當一放
參無忌有身
宜酒肉王哀何地卜耕蚕花驄蹀躞
丁超五詩
陣篋笳捷踰三萬國祇今烽火急
戰餘誰作附

秋岳退飲小齋四疊前韻

君才如海俯青澗又探驪龍擾角凌雪照冥邪
寒似水風吹縞帶續爲繩當杯有鹿兔思逐鬪
捷猶蜩熟可承敢倚偏師摩趙壁雕虫聊說仕
大魯

其二

鳳撥朱么繞戒龕茗香清影亦孤叅經年鶻血
啼成豹織月朱絲巧勝蚕叔夜不堪真有七長
康獨絕己名三酒酣擊筑橫悲憤輸與羊裘大

澤男

秋岳招飲卽事

啣杯乍理布衣交南岳無勞遠畝嘲金馬舊愁
消舞扇玉臺新味狎征徭客送秦令欣迴轍烽
老吳山妬結茆蕪市漸看稀酒伴故人少話清
春郊

送金長源還松陵同秋岳卽席賦

顛倒春愁錦瑟絃帝城風物故依然伊涼北地
聲原古花月江南夢可憐楊柳曲深催画角鄉

關人聚緩辭庭駟，最有銷魂意。況是銅駝碧草天。

卽事三首同秋岳飲無外郎中

他鄉春色易銷魂，妙舞清歌集弟昆。似是馬曹

堪挂笏

秋岳時官太僕

未逢齋日且開樽，千秋宮怨纏

鈴索，一代詞名長杜蓀。艷事玉臺毋閣筆，冰絲

猶許織天孫

其二

鵝笙鳳管度吳趨，寫影春屏欲有無。紈扇好開

芳草社，錦燈斜擁落花圖。舒懷暫共啼鶯煖，倚

醉兼辭上馬扶。卜夜莫嫌傾一石，雨風容易濕

平蕪

其三

共攤椽燭永芳筵，花底清歌子夜偏。蕪語

輕似夢，酒圍宵幔小如年。行雲慣駐秦青曲，明

月猶高漢苑天。戍鼓一街投轄易，春愁今已破

繁絃

花朝同 玉叔芥菴爾唯舒章敬哉社

集秋岳齋限韵十體

蹉跎生事盡悲歌
痛飲唯當喚奈何
白雪漸驚
燹地少春雲
知傍漢宮多
口啣石闕看彈劍
人閱銅駝厭枕戈
羌笛莫吹楊柳賦
東風無計遣
秋過

舒章請假南行同秋岳賦送四首

遊倦空悲荐賦年
春山細雨正聞鶉
燹臺久賤
黃金骨吳客
難消紫塞天
故里風烟搖短鬢
離宮花草恋歸船
生還早覓傷心侶
亂後人才不

似前

其二

采隱何須更買山
幾年風雨望陽關
千秋物忌
高文在七尺
天容此日閒
折柳可憐雙闕改
飛鴻又送一人還
漢宮薄命甘淪落
不向寒鴉比

玉顏

其三

窮途生事泣枯魚
縱壑欣聞得遂初
漸有移文
嘲俗駕早看投綬
賦閑房愁迷張翰
江東路好

報任安太史書落日帝城還
矯首茂陵碧草長
春餘

其四

矢志無勞泣玉明
麻衫草屨舊書生
座中幸免題家令
天下誰能罵正平
晞髮尚憐同病客
當懷重續短歌聲
故山薇蕨橫豺虎
畏路須如絕客行

春日同金少宰豈凡劉司馬玉儒曹太僕

秋岳吳侍御雪帆讌集澹園卽席限韻

春園疊鼓奉名花
繡羽搖波一曲斜
絳雪晚飛芳草逕
紫絲天護海棠家
烟深遠憶青簾舫
雨過爭驕白鼻騮
水國流連須竟日
帝城絃管畏風沙

其二

綺筵三月敞蘭亭
垂柳還依御苑青
檻外晴沙分鳥夢
西來山色入漁汀
鳳笙隊尚喧名部
雉尾香偏染画櫺
一座春愁天寶客
曲終未許落花聽

其三

啼鶯又送建章春
紫陌朱輪草色新
勝日管簫淹客展
長楸羽獵亂花茵
晴波澹寫三吳意
飛絮輕如六代人
回首舊遊文酒散
倒因歌舞一沾巾

其四

宸翰高懸寶墨香
爭從劫火拜靈光
杜鵑不解留青帝
鸚鵡猶能哭上皇
璧椀風烟禾黍後
金門花月駉駉傍
啣杯難盡文通感
獨立蒼茫過

夕陽

過郭涇星太傅森園感賦

金谷杯停碧草多
画簾清簟近如何
柳絲已隔長楊苑
春水仍涵太液波
香冷狡狴隨漢臘
花留蛺蝶散明駝
蕭條大傅高懷盡
池上愁聞玉樹歌

伯父雍箎公惠詩垂憶依韻奉報

一哭銅駝萬事隕
壯心初向鏡邊灰
休文座上人非少
庾信江南賦獨哀
滿眼干戈疑去住
百

年家國重徘徊遙知簷日題書恨淚裏新詩慘
不開

南歸舟次有懷都門故人

蕭條蟋蟀傷孤舟血淚丹楓迥自愁夢裡故交
頻惜別淚餘風物易驚秋天空落木波相逐露
濕淒螢晚並流回首銅駝荒草月夜深還照酒
人游

沂湖晚泛同內人限韻時小雨初霽

殘霞如綺壓孤艖夜色微茫客倚窻北望風烟
迷短岫南來鷗鷺習寒江哀蛩着雨聲猶濕近
水征鴻影自雙賴有謝家晴練句爲寬愁髮向
銀缸

其二

百頃烟波暮色開輕帆信不數龍媒五湖伴侶
留烟月六代江山付劫灰衰柳斷汀迴雁路遠
村寒火捕魚隈客心入夜偏蕭瑟無數西風髮
髮催

從淮陰幕府得舍弟孝緒到杭州消息喜

寄三首用杜韻

踪跡何由滯逸州三年一字慰離憂孤身喜脫
蛟龍吻江左新傳檣杙頭謂貴陽也烏咽總惟風樹
杳馬嘶金狄暮雲流招魂爲報還鄉好佩劍人
歸漸買牛

其二

南望吳天烽火深北來鴻雁晚霜侵六橋烟柳
愁中路雙槳秋蛩亂後心入洛士龍猶健在無
家庾信只哀吟連床何夕滄桑話細剪寒燈淚
不禁

其三

石頭城下清砧響應是西鄰客憶家游子衣裳
多白露故園門逕正黃花琴臺誰買千秋酒布
帽宜鋤五色瓜丙舍早寒松月靜蓼莪對誦一
長嗟

廣陵感懷八首

落日櫓檣蓬鬢客蕪城秋老菊花時雁迴玉塞
知鄉路草接銅駝上遠陂南國旌旗潮外隱錦

帆簫管月中悲天高風急仍鉦鼓岐路徘徊安
所之

其二

蕤子春風迷繡戶狐狸鬼語哭新墳百年柳盡
隋堤月半壁天低胡漠雲亂後江山驚似舊中
原人物感離羣嫫姚漢將都無恙不記當時灞
上軍

其三

六代衣冠埋野燒千秋臺殿鎖荒梧青驄驟躍
桃溪水銀兔還籠菡萏湖錦纜恨長珠輦過夢
華人散玉簫孤隔江莫唱江南弄狎客臨春近
已無

其四

懷鄉王粲幾登樓目斷長河天外流故國未歸
空有恨深宮誰信竟無愁將軍自換麒麟閣丞
相能操舴艋舟到日竹西歌吹改烟花不分說
揚州

其五

江淮乘障本雄風
謀國金錢實首戎
似有迷樓呼殿脚
不聞繡嶺署行宮
綺羅人盡驕三月
草木兵誰扼八公
寂寞雷塘猶有墓
遙憐五國夕陽中

其六

勲名今昔豈難同
幕府爭書佐命功
帳下椎牛謹享士
穴中鬪鼠早興戎
千艘漕輓寒烽後
一路笙歌野棘中
溝水獨分亡國恨
滔二日夜向江東

其七

垂柳何年曾試馬
飄萍此度最沾衣
茂陵雲暗慚羝乳
華表烟深見雀歸
夾座貂蟬天已去
還家頭髮事全非
寒濤壯吼睢陽血
莫惜孤城井竈稀

其八

楚天金鼓壓江河
大將樓船截漢過
謂寧南也晉甲纜傳清社鼠
隋宮已見散明駝
蕭條原野花門盡
點綴帆檣賈客多
但祝洗兵淮海靜
書生無

夢到橫戈

初返居巢和清瑟感和三首

失路人歸故國秋飄零不敢吊巢由草將封恨
題青塚身爲傷心改白頭明月可憐銷画角花
枝莫遣近高樓臺城一片歌鐘起散入南雲萬
里愁

其二

杜鵑聲到白雲頭短劍長歌一哭休南渡公卿
今北去西興笳鼓不東流離宮夜隔芙蓉漏別

雁風吹杜若洲莫爲青門傷冷落種瓜人是舊
王侯

其三

十年流浪髮如絲疇結河山杜宇時天寶事多
宮監咽臨春夢往月華悲銷魂畏奏金微笛薄
命誰憐玉鏡眉一曲雨零花落盡逢人猶誦斷
腸詩

奉和雪堂先生見懷韻寄會

抱甕蕭然老漢陰不關何事却悲吟月高尚識

銅駝路海闊難明精衛心江隔雲霞師友隔河
梁涕淚古今深五絲續恨年二似魂斷離宮鼓
角音

其二

槐國頻將恠事經雪鴻雙落舊烟汀玄亭閉戶
書應就孝穆還家亂未寧氣燭斗光雙劍紫心
隨玉案萬峰青比來叔夜尤疎放不憶雲臺憶
客星

再疊前韵二首

浮雲北陸起層陰擊筑人歸續越吟閱世似醒
千日酒許身多負少年心六朝春草鶯啼歇十
月江花雁字深自向柯亭栽短笛百年歌已屬
知音

其二

懷湘同賦楚騷經別後芳蘭憶遠汀萬里冥鴻
早藪澤九關躡豹忌清寧烟波自愛漁簑綠天
日猶爭竹筒青莫訝功名皆沈范還山今有少
微星

春興和石疏韵

萬瓦鱗二劫火均荒唐似欲紀周秦莓苔血碧
迷三逕椒酒厨貧罷五辛舊蕪已知移画棟垂
楊何日夾鈿輪文通自信傷心極春到江南不
當春

其二

萬事飄零伏野萊最難回首柏梁臺花憐謝豹
經春咽月照征鴻絕塞迴玉馬漸迷松柏路雲
鳥長助蓼莪哀蓬門載酒人何限却對躡蛸自
往來

其三

久知鐘鼓駭爰居何意還山媿二疏故國賓朋
雙鬢改中原井竈十年墟魂搖野笛登臨外塵
起黃昏戰伐餘莫向白雲飛處立即今温嶠血
盈裾

其四

滄桑歷盡意悲哉落日啼鵑萬里來蕪趙狂歌
猶有客齊梁流落本多才在當阮籍途偏厄賦



P57

到靈均語自哀容易春城揮淚雨玉門人老未
曾廻

其五

芙蓉霜匣臥寒芒百戰山河遍夕陽麋鹿野臺
稱舊內麒麟高塚峙殘疆青春海國喧饒吹初
日平林憶杏梁不見少年文酒地小梅深柳各
清蒼

其六

笙歌帝里按梁州燈火傷心續勝遊金狄露寒

元日社集

春雪初銷綠滿谿晴烟搖曳画簾西舊家久誤
堂前夔弱采爭憐鏡裡鷄簫鼓曉隨花屐動藤
蕪青約燒痕齊願從太史占雲物桑柘成陰虎
罷啼

其二

人望蒼烟起白楊當年金粉艷雕牆何人建纛
雄哮虎亂日除書抵爛羊月過石欄迷画戟風
酸鄰草記珠璫春樽合讓狂奴醉愁盡香雲隔

太行

其三

武帝辭壇聞玉魚最憐消渴茂陵書應劉入座
爭當駟董賈逢時讓牧豬過雁曾知遊子恨拂
龜難定楚臣居山中芝朮春應長豈有黃金辱

管鋤

五日飲秀公樓頭

遊倦難消貰酒裘醉眠人自理春愁青莎路滑
看調馬白石歌成好飯牛烟月竟迷江總宅鄉
園猶怯仲宣樓鳥衣塵尾還相望爭剪珊瑚掛

玉鈎

六日飲孝積弟新居

春市蕭條野陌通百年湯沐本岐豐遙知芳杜
生江國漸有啼鶯過故宮詞客臨觴吟白苧画
樓夾道試青驄荆花棣萼深憐惜腸斷甘泉草
色中

八日集石疏齋頭

對掃蓬蒿暫卜鄰蕭條數子味芳辰杜陵最愛

題詩日許允能憐我輩人
燭鉢响成雙折屐江山
春到一霑巾隱囊細扇
還乘輿前渡花開好
問津

八日郊行兼哭伯父雍篋公

晴郊坦步共行歌
邨舍蕭疎雀可羅
落日林塘迴玉勒
春田苔蘚出金戈
灌園自老西山蕨
問世難逢北里禾
扣策過車憔悴甚
新愁一夕長烟莎

試燈日社集寓樓下用石疏扇頭花月山

堂二韻

春到明霞散十洲
鏡簫忽破鹿柴幽
客携錢管來高座
人似銀燈滿画樓
十四年歌重入夢
三千里月此當頭
開元弟子情多少
一片江南玉樹愁

其二

名姓旗亭問酒家
雙鬟曾捧鬪茗華
掌中爍炬星河沸
天半檀槽夕漏賒
風過定憐隋苑柳
春寒莫上杜陵花
酒狂竟恐滄桑語
夜二看人醉

九霞

清瑟秀叔石疏小飲寓樓

長日薰香撥鳳絃樓高愁到哭花鵲孔樽雜坐
人千仞潘鬢深棲老一年鶯過六朝啼似夢草
將十里碧如烟凭闌何限蒼茫意故托傷春一
泫然

春日行園

短梧疎竹自成林逸興還容醉客尋晚照空城
迷近遠春愁殘鬢怯登臨淚銷鼓角花應識夢

到簾鈎草易深肯爲夜遊辭秉燭野雲難覓故

山岑

留別夔友

門外驪駒卽各天春波吹度木蘭船病逢遠別
難辭酒衣戀重陰未改綿蝶夢易迷三月草烏
啼可記五侯烟暮雲羌笛愁如許莫道龍標不
似前

留別虞桓

春風忽起子規天綠遍蘼蕪上巳船玉案情多

翻白雪香泥恨重濕紅綿油車漸近江城柳春
袖遙籠画閣烟徐淑秦嘉都絕在 一雙花錦酒
壚前

宿石疏画硯草限韵

冉二簾陰阻杖藜柳風花雨滿前谿簞盈丹笈

仍香雪

石疏尊人中丞
公有香雪菴集

巢改烏衣又錦泥四海

斷蓬交乃見十年春夢事難稽遊情自不成駘
蕩擬買青山傍屋西

其二

高齋芸桂待燃藜乘興王猷到剡谿芳草平橋
開酒幔海棠過雨濕香泥榻邊塵欲開江左襖
後人如集會稽時爲三月四日銀燭不嫌花睡短陽關
一曲客將西

飲木公兄觴圃用石疏壁間韻

東風花屐滿芳皋樽酒茆堂客易豪栗里田園
三徑沒幼輿丘壑一身高柳遮曲檻低新月水
拍春竿長夜濤誰報愁林還滯客也防別賦惱
江毫

其二

蕭二逸興寄東臯湖海元龍氣自豪白氍夢中
蘋又聚青山亂後枕偏高鶯花繞座題空谷鴻
雪傷心咽逝濤灤水朝川吾便老雲霄車馬等
秋毫

至白下楚玉啓明招飲子唯園亭

六朝烟雨護茆柴帝城南致自佳砌草將連
浮白座林花初濕踏青鞵三山蒼翠低橫檻萬
箇琅玕綠到齋日暮倚風春轉薄不妨輕綴辟

寒釵

時聞社亦同往

其二

朱欄長似鬱金薰衣袖香多不易聞鳩妬冶遊
頻喚雨鳳遙人代竟爲雲園在鳳皇臺麓繞亭紅影迷
三月入座清狂味五君痛飲那須愁醉尉玉山
傾倒正論文

遙和巖子園卽事

蘭亭春暮集羣賢清談宜歌相府蓮把臂日淹
林下屐隔波人似畫中船巾衫掩映同高會烟

雨空濛亦勝緣更喜酒狂扶醉後十三行墮雒
神篇

暮春集方子唯園亭訓贈

相逢何意落花邊不記曾經天寶年江左衣冠
同逝水舊家亭沼尚平泉子雲榻已橫玄草摩
詰詩能貯輞川金粟再來香作國隔墻風度瓦
官蓮

其二

南國才名比夜光西園燈火照飛觴桃根我欲
題花隱竹下君當恕酒狂愛客盡開雲母館餞
春自領露華粧深林過雨遊絲靜想像虛堂五
月涼

其三

河山已邈淚痕新難忘新豐舊賤貧玉鏡有絲
牽月窟冰瞳剪水向風塵敢云吾道千秋合竟
許交情兩班親失路感恩悲喜集扁舟載得一
心人

遙和巖子觀劇

綺筵何惜轄投陳無忌功名盡飲醇供奉譜翻
紅藥苑昭容簾立夜珠人粉香沸月花間社簫
鼓迴風画裏身檻柳不知離亂事冷看歌舞又
兼旬

其二

水邊夕照滿疎篁紅板橋頭路已荒歌放竹枝
頻勸酒鳥啼楊柳一薰香愁深盡日看紈扇春
去無聊選醉鄉心折玉臺明月下彩毫夜二響
宮商

秦淮小泛同于皇清瑟

又向秦淮問楚風長安人影碧波中

壬午與于皇相遇京

邸酒徒已逐荆卿散客路惟工阮籍窮画閣遠

山隨意看歡場明月勸君同

于皇以道遠欲所歸也

迴舟

半是笙歌地醉倚青燈數落紅

曼殊招同綱羞子唯孟新清瑟仲履楚玉

欽我泛舟卽事

春歸眠柳倚烟斜瘦盡朱欄十萬家繁舫晚沽
孫楚酒隔簾風響玉川茶何來杜宇啼紅樹不

分晴甃近綠紗避在清言存晉魏人間竟有武陵花

其二

鈴索聲中醉飽曾清流今尚怵其陵爭傳鸚鵡
題高座不見狐狸嘯夜燈落日槩催金狄淚画
樓人漾玉山層十年春夢消烟水青眼逢時竟
不能

和于皇見贈之作

君居白下門長杜我到青山事已非舊雨忽逢
猶蝶夢斜陽無語又烏衣酒因客散酸蕪市劍
惜讐亡冷飲飛故態蓬蒿狂復爾輸他薄倖盡
輕肥

其二

隄廩磨老吊千春落魄文章竟有神飛絮應憐
江驄鬣看花莫負少陵身論交金馬人情異閱
在銅駝草色新山水佳貧亦得倦遊與子共
沉淪

秦淮雨集

草痕青欲上蘭橈古渡平添一尺潮
六代畫圖留故國百年風雨妬今宵
銀紗障燭重開社垂柳遮人晚過橋
爭道玳梁棲海蕤冶城樓閣罷吹簫

和孟新秦淮社集四首

放船烟水色蒼然盡謝朱門酒肉羶
落日鳳臺邀李白離宮花語泣伶玄
十年蘭艾天難問諸子膺滂乃可憐
虎豹于今儘蕭索吞聲還似九關前

其二

中原同調漸寥二痛哭題書續大招
桂剪北山千古憤鶴歸橫海一身遙
武安客散無行酒長樂花深有負樵
顧影歡場淒冷極年來雙鬢朔風凋

其三

窮途回首盡風波此日臨流足嘯歌
北寺星霜森勁草桐江人代渺烟叢
紅銷鵲舌春前夢碧浸暇鬚雨後坡
水殿雲廊荆棘遍景陽誰記月

明多

其四

次公禮法醉全寬岸幘高吟一水寒亂後江聲
仍北固座中人影半南冠自傷鉤黨名曾噪頗
恠坑儒策未完狎客冰消三閣燼却留奇字滿
琅玕

出關即事和巖子韵

青谿烟柳滿前灣人度重城似玉關

時門禁甚厲書

画舫因彤管重風雲天放酒徒閒雙飛鴻影千

林杳一號鴟夷萬乃刪為倩六朝金粉手開簾

約略鏡中山

登潮音閣和巖子

上方鐘鼓界人天絕壁高涵萬壑烟建業草連
春後碧維摩花現景中緣雲搥石骨難橫屐雨
過龍腥略辨船身與飛鴻爭上下可容日送更
搥絃

登葵子磯和巖子

練光平起玳梁樓佳話重思謝客題何代江山

森客踞有情烟樹遍鶻啼樓臺不隔鐘陵照城
關誰封谷口泥望裏烏衣巢半改女墻飛絮壓
空闈

和巖子廣陵有感

歌吹竹西都似夢酒杯還許照花枝靈均幾續
招魂淚殿脚虛傳持檝詩愁憶翠鈿紛去國遙
憐紅粉送分司玉鈎斜外流烟落何限魚龍飽
棄脂

投贈周元亮憲使

亂後初班伍舉荆平生元禮自高名萬家月穩
瑠簫夢一路花籠驄馬行牙戟客過朝問字玉
鉤香定夜調笙圖書繞榻人如画逸興蕭二竹
樹清

其二

擁騎鳴笳二四橋風流不異在烟霄東籬襟抱
追元亮南國聲華稱小喬元亮有姬人善画墨暈曉看
彈麝粉丹霞夜與護龍綃登仙一艇橫明月玉
鏡臺前照六朝

其三

鏤璧中流峙萬尋當年磊落表華簪生逢豺虎
排賢俊坐見魚龍沸陸沉采藥偶乖辭漢志借
籌終信報韓心江南狎客淪亡盡七尺嶽寄又
自今

其四

年少功名長外臺江淮節越海天開高樓不隔
征西興緩帶全徵督護才魚鳥性知親召杜麒
麟天許画鄒枚卽今遮道留行騎孔座還容野
客陪

壽張夔筑

太平誰致亂誰爲花月開元剩此時老愛五陵
游俠傳天留六代管絃師禪床羯鼓層層換詞
客名姬歷歷知過眼滄桑人健在商山更卜採
芝期

爲紫玄題春雨草堂

空林烟景日蕭蕭二丘壑于今道未消城外画圖
城裏屋柳邊溪水竹邊橋風清北牖橫藜榻月

出南山理豆苗漁父似忘興廢事垂綸閒送隔
江潮 和宋其武

其二

北山猿鶴愛相招往事愁多付逝潮亂後著書
先閉戶門前種樹老過橋浣花地尚嫌羈旅孤
竹人今飽牧樵濁酒離騷幽興足看他車馬亦
無聊 和陳涉江

其三

菰蘆烟水似江南亭榭參差碧可函子驥家風

仍徑褐

紫玄時奉其尊人警
鄰先生于草堂逢客

左徒身世一湘潭

人歸樵徑逢深雨鳥度城陰送遠嵐蒲柳曲江
魂斷後故山松桂是優曇 和余淡心

紫玄索新柳詩和其武韵

蘼蕪香散綠楊天花外珠樓雨外船傾國腰肢
何嬾二贈人離別又年二消魂羗笛吹難盡薄
命春風影自憐惆悵未豐名盛日一枝曾譜入
宮絃

送祖命南歸

髮影衣香不可留
竟攜好月返林丘
名高鄴下爭推賦
酒熟成都又倦遊
江草夢連雙漿路
藕花風送五湖秋
還家莫更憐三匝
聞到桃林欲放牛

其二

窮途星聚且淹留
百尺人其老一丘
細雨斜風江上別
玉簫團扇鏡中遊
子規共忍千山血
鷓鴣曾傷衆草秋
去後銀河遙極日
鵲橋南畔是牽牛

過祖命舟中再用前韵賦別

芳樹城陰勸客留
開樽人似對浮丘
相逢何世容高臥
不爲無家賦遠遊
雲母屏前花正艷
鬱金香外月將秋
南宮韻事克書舫
肯遣銀鈎誤黑牛

送別髯孫和陵莫兩韵

擊筑歌殘對引觴
蕭條清興滿西堂
少年司馬遊仍壯
亂日陶家徑易荒
花外登臨紛客路
人間風雨一河梁
錦囊玉案多情甚
莫忘旗亭典

鷓鴣

賦謝劉藥生使君

水壺迥立映朱絲丹竈還依桂樹枝青鏤管唯
才子得絳紗帳許後生窺何來終賈工爲吏親
見應徐與奏詩金馬舊遊情不淺蓬萊雲氣護
寒帷

其二

步屨閒棲花柳村幽居頗枉使君軒千家流水
動城郭一片古香吹杜蓀渤海治宜高第入玄
成家有賜書存庾樓明月平原酒韻極文園犢

鼻禪

再送髯孫卽用其見贈韻

慷慨將離復命觴牽衣搥鼓續漁陽客中芳草
殊難贈醉後狂言各未忘風滿蒹葭聞獨嘯秋
深蟋蟀想連床眼中詞苑推才子老我旌旗漸
不揚

其二

芙蓉夾岸欲驚秋吟澹關山興未酬天下誰爲

庾信宅月中憶爾謝公樓蓬蒿閉戶消孤憤湖
海看人起壯遊內使風流標絕勝還憐大令渡
江舟時同其尊人祖命歸宛陵

僅三同愚公招遊水月菴復移具柏菴草
堂

連璧清姿冠一時茶瓜相對改芳卮孝標書史
平生癖栗里田園醉後詩石戶夜深聞梵入沙
鷗眠穩見人疑漢陰抱甕桐江釣笑看浮名管
樂垂

其二

十年烽火照烟波漸喜雲山長碎蘿卞令忠貞
宜有後陸家才藻不嫌多窮途歲月埋三雅天
意微茫問九歌猶羨登臨清味發風流日二播
羊何

又和愚公見贈二首

子虛竟恨不同時哭罷銅駝對酒卮短筑夜寒
燹市髮開元人老落花詩卽今栗里心相保回
首劉蕢事尙疑笑看墨莊雲護處名山有史等

身垂

其二

鹿柴門徑倚青波
隔院疎鐘過女蘿
共道王裒辭聘久
誰憐宋玉感秋多
幽居好著潛夫論
家學猶傳正氣歌
爛熳飲醇聊代泣
疎星莫問夜如何

和贈丁野鶴

竒人端爲草玄留
魯璧歸然富九丘
滄海尙封孤劍憤
江天誰縱羽衣遊
林深對燭常過雨
雁到縫衣好耐秋
埋照并期名姓隱
恐教關吏識青牛

其二

魚盡無妨幸舍留
相過日二問糟丘
已消鷗夢千秋事
更續龍門萬里遊
歌喚奈何江笛曉
人將歸去海雲秋
西薇東菊曾無恙
冷眼功名起飯牛

其三

江山如此恨人留
痛哭書焚向古丘
野雀索余舊疏草出

讀悲慨
熱血空憐霜草碧遺民今見竹林遊垂
係之
楊裊二能愁客彼黍離二又報秋避世不如忘
世逸逍遙神解失全牛

其四

箕尾人歸不可留飄零河嶽付山丘雲中鐵馬
開生面夢裏金門憶舊遊橫槊肝腸如比水招
魂風雨冷于秋憑君更續英雄淚遺恨中原散
水牛

題孫大宣想圓圖

竒情不受壑丘拘決策移山事豈愚竟有烟霞
生寂寞歛如人代改斯須橫溪艇合隨鷗出繞
屋峰將選屐趨金谷平泉蕭瑟盡幽棲掠得景
中逋
和陳陟江

其二

某丘某水繫遙思標映林風物外姿隋苑夢殘
花月路杜陵天與卓堂時樹猶如此愁宣武菊
不依人老義熙玩世酒徒同倒載采山先采習
家池
和宋其武

其三

招隱無勞賦左思臥遊景物恣清竒柴門烟月
仍千古江左樓臺彼一時松植早防秦署辱蘭
芳待沲楚臣悲藜床蕨飯情何限不盡藍田画
裏詩 和陳階六

秋夜社集柏菴草堂

山藤澗草古香侵幽客招邀試入林六代月高
如此夜一聲歌滿奈何心蘭心結珮秋相賞蟋
憐八晚自吟屈宋紛紜催別賦不堪江館到

疎砧

橘菴限韵爲詞臣賦

棲烟濯露自成園秋到柴門絡緯喧抱膝此間
容嘯傲去人已遠足丘樊深花爲客開空谷濁
酒呼鄰過短垣戶外海天橫萬里好因風雨護
龍根

訓藥生使君九日遣吏人送酒弁憶同社
諸子

邗溝楊柳接芙蓉烟雨荒臺別緒重到雁吏傳

莫杜酒懷人秋度海陵鐘寒城菊放喧吹帽官
閣燈青想聽蛩蓬跡自憐辭桂樹小山正有八
公從

寄懷孝威

高空漠二野雲涼望遠懷君當故鄉別在秋燈
人似夢書來水驛菊如霜論文不隔加飡字得
句長思載酒堂爲報平山衰草路也乘風雨度
重陽

一里九前一日雨中社集同蒼舒清瑟達旨
金銅一涕老吾儕暮草含淒綠上階晉代衣冠
存白社隋堤風雨妬青鞋茶瓜書未談勝酒瓢
笠人過秋滿齋幽興不辭隨地愜無家安問木
蘭柴

又贈蒼書

雁塔當年把臂登姓名猶護碧紗層藏身大地
移舟壑失路浮名弔剡藤舉世夢沉千日酒一
龕清勝九華燈此霄細雨空階後漸解人間有
惠能

重九後一日姜如農招同羅訥菴曹惕乾
園亭譏集限纏字

虛堂燈火菊花天何處衣香一粲然人似賓鴻
來萬里月當秋霽發孤妍頻澆醴醕憐金盡醉
典袈裟作錦纏如農僧裝携麗人行酒莫近瑤簫聞玉樹
恐令清淚濕芳筵

其二

黃鵠分飛薊北天幾年音夢各茫然相看蓬髮
風烟老暫遣花愁月露妍過雨蜚喧金屈戍逐

香蝶遶繡行纏深燈薄醉嫌催騎雄辯纔開起

四維
余以他席
先別去

如農將返真州以詩見貽和答二首

天涯羈鳥共晨風送客愁多較送窮黃葉夢寒
如塞北黑頭人在愧江東九關豺虎今何往一
別河山事不同執手小橋君記否幾年衰草暮
雲中

其二

曾排閭闔大名垂蠅附逢干獄草悲烽火忽成

岐路客冰霜翻羨貫城時拾遺故國愁難到都
尉河梁怨自知隋苑柳殘人又去旅鴻無策解
相思

和答吳陵諸同社贈別四章

早鴻過盡賦離觴岸草無言老夕陽坐滿月痕
人近遠行逢酒債事尋常柳絲牽夢風前蝶
影橫燈渡口航長跪素書開玉案新愁略報兩

三行

其二

晉代風流侈竹林爲憐阮籍路窮心生逢離亂
人難老交合清狂脫信深別酒冷飛黃菊雨寒
峰遙遠草虫音銷魂步二芙蓉水與到難忘權
雪尋

其三

画樓何代月中簫殘荻霜迴百尺潮目斷野雲
連海碧秋蹄落葉野雲遙千山憶遠憑雙鯉一
路綠花到六橋北固江山還似昔可容隔岸晚
鐘招

其四

秋盡垂楊未減青
孤船搖醉不須醒
烟中歷二過江樹
天畔勞二送客亭
橘社晚吟花是驛
筠床南去翠爲屏
遙知舊雨重經處
斜月疎烟滿画櫺

和答夏圻父卽送其之海陵

彈鋏星逢客倍親
椒蘭有謂不關人
陰何盡讓清言席
顧陸猶扶大雅輪
霜重雁催橫海角
燈深鬼避送窮文
秋光正好吳陵道
諸子梁園玉

案新

其二

如此天涯不可親
何來雙屐最憐人
愁中烟雨秋歆枕
世上文章老斲輪
珊架願供徐孝穆
宮鬢莫記沈休文
因題偕隱堅幽尚
閉戶香奩意氣新

周臺公招同清瑟楚玉文漪游竹林寺與

箬菴上人清談竟日始歸

穿林踏葉上方來
絕頂江天亦快哉
萬壑風烟

閒處聚六朝花竹老僧栽行逢石棧如猿引坐
到斜陽讓鳥回玉版飽叅香積去孤雲迴望白
成堆

同達旨楚玉清瑟文漪登銀山絕頂

六時鐘磬上方尊眼底羣峰石虎蹲貝葉樓纔
平嶺路松巔鳥欲下天門雲圍鴛鴦青成市日
冷鯨波白射村峭逕百盤孤絕處支頰猶擬問
真源

偕內人至山半西來精舍同賦

檀欒風日正蕭然捫石來參玉版禪地許散花
八一到鐘依落葉響紛傳五丁斧闢珠林敞萬
字蓮青舌本圓戰伐孫劉江水逝眉峰青到亂
山前

藥生使君自吳陵守擢潁川觀察

曾看小隊踏春回又報天中画戟開明月幕仍
懸桂樹美人情易到官梅單車爭見攜琴出大
內行聞賜鉞來折柳也應誇盛事樽前無數建
安才

其二

一函秋水呂虔刀宰相家聲起鳳毛書出蘭臺
盈乘載嘯清蓮幕逼天高風前對客揮銀管花
底論兵被錦袍漢代潁川成故事况兼詞賦擬
王褒

丹陽舟中值顧赤方是夜復別去紀贈四

首

吳舫楚語隔中流招手相看續舊遊多難感君
期我死赤方集中有吊余與內人殉難詩著書空老益人愁香

薰袖草三更月酒滴離雲百里舟落日金闈遲
客屐座中詞賦倚應劉

其二

遼鶴驚回亂後天逢人未說別離前兵戈憔悴
空三戶音夢猜疑近十年名士渡江推洗馬窮
途握手當啼鵲滔二楚澤芝蘭盡屈宋于今倍
可憐憶楚中諸子也

其三

寒馳野棘蔓長楊帝子樓臺暮雨荒鴻爪雙飛

迷故國龍門一涕照河梁當時我自憐鸚鵡舉
在今誰買鷓鴣王粲離鄉名轉盛多情猶說蔡
中郎

其四

聚散緣竒不易謀此宵燈火竟千秋一床海上
慙龍腹三絕人間識虎頭對客調難操白雪關
心夢每到黃州玄亭酒盡侯芭遠多少江山冷

竹樓

爲王子云奚
中雪兩孝廉

如須邀同秋岳穎侯赤方半塘舟中限韵

叔夜風流許重攀飄零詞賦起江關明燈夢續
玄冰酒舊兩人逢故國山秋盡臯橋龍自臥雲
陰碣石雁俱還聞箏顧曲輪年少西角聲中老

客顏

壬午冬與如須穎侯秋
岳頻集密之長安邸寓

其二

亂離猶喜賦靈光風雨河梁淚幾行擊筑音難
忘易水過江湖已咽錢塘吳宮金粉樽前出漢
苑銅駝別後荒誰唱烏樓城上曲蘇臺一夜月
如霜

人日和少陵同秋岳賦

千門花月春初轉雙鬢江湖短自看人意漸隨
芳壑煖日光猶滯早梅寒鏡笳橫海聲交沸兄
弟開樽淚一彈味就草堂須共論年二長路寄
詩難

初春集陳閭如新齋卽席同朱雲子望子

清瑟家仲孝緒限韵

勝日風光故里均杜陵無用話歸秦且將醪酖
酬荼苦漸覺年華老桂辛一座歌行名士酒七
香車擁麗人輪館娃宮畔傷心月又爲江南照
早春

雲子穀日以新詩見贈再疊前韵奉答

草玄名與子雲均著論還應哂劇秦杜宇江山
重建子蓼虫身世漸忘辛風華一代推連璧月
旦千秋奉斲輪車馬熟遊吾自厭吳山薇蕨好
行春

三疊前韵畲望子

詞場鵲起雁行均漢室書傳大小秦蘭圃燈明

宵近午椒花俗古味長辛披圖興欲橫雙屐

望子

精長康之枝

摩壘愁難反隻輪一曲清歌人坐廢樽

前物色滿陽春

道公招飲虎丘以百史壁間韵索和歸來

薄醉率爾成篇正使百史見之當笑狂

奴故態也

春陰初覆雨花壇石虎高凌絕壑寒入社攢眉

容粟虫圍爐饒舌笑豐干松房雪欲停迴棹梅

驛書應勸掛冠共喜燈前煨芋熟不知何客五

雲端

元夕風雨雲子貽詩見懷四叠前韻奉答

青燈竹屋暮寒均羈旅無書可上秦朱异窮經

猶寂寞嗣宗行路只艱辛雨深却憶人孤館梅

淺難消月一輪玉案有情停去舫五湖已遍蕙

蘭香

五叠前韻贈雲子

獨宣金石美常均魯璧淵二歷幾秦篇接混茫

凌大曆在經草昧想高辛停雲字好鯨為織秦

技心工蝨似輪乘興莫辭同勝賞望中烟草似
臨春

和答道公見贈之什

蒼菊香聞舊講壇生公妙偈未應寒高齋夜榻
春堪續世態秋雲懶更干雨暗梅林開白社鶴
歸遼海誤黃冠空山亂定容支許彈盡滄桑一
指端

再用前韵奉訓兼懷百史

相逢車笠喜同壇青眼能容范叔寒誰到珠林
吟白雪迥如清廟立朱干未馴嬾僻稽康牘竟
笑紛紜貢禹冠南望應憐春色好酒狂生事已
更端

道公訂同秋岳過山中雨阻不果以詩見
訊依韵奉訓

初地相期把袂遊春陰一夕改清秋火深竹屋
寒香老雲暗梅堂野色幽白雪到門驚鮑謝青
林開徑待羊裘何當日麗生公石同訪空山第
一流

雨中泛舟看花因至道公方丈仍用前韻
乘興真成訪戴遊憑高烟景澹如秋半塘花送
蓬窻濕一寺鐘含蘚樹幽齋日筍疏欣共飽餘
生瓢笠我何求輕舟不惜頻來往滄海滔二正
急流

白椎菴看梅兼贈關主聞照上人

青林過雨石橋斜鷗漿晴搖當鹿車閨歲柳

春餞臘

時正月晦日

幽扃人借客看花亂離括栢云

相守步屧林塘興未涯生計轉慙靈遠拙十年

閉戶已無家

秋岳湖上見待踰期少日輒有寄訊之作

相見垂示和答四章

春潮嘷舫約前溪到日湖陰取次啼宋玉宅移

烟草合

時過秋岳醉李舊居

夫椒國破壘雲低江山事闕

煩詞藻歌舞人來散鼓鼙勸聚倒樽從爛熳茸
泉舊淚黯璇題

其二

銀戈東望海霞平一舸晴沙急晚征星日大名

推左馬登臨餘興詆公卿五湖放逐同車馬二月風花卷旆旌咫尺龍腥吹驟雨匣中雄劍已先鳴

其三

齋厨玉雪淨花天肥報春園筍蕨偏月黑山中孤客寺雨深簾火隔湖船驪珠抱彩搖中夜隼翻搏秋起壯年每訝句成工獨步鮑家風采萬人前

其四

戍旗遙拒越東軍花鳥橫江羽騎分南渡河山名將甲西陵松栢美人墳鳧鷗侶洽趨春水朝市塵高限白雲愁重休文應暫減隔牆琴酒共斜曛

西湖泛舟卽事

花時載酒雪濤肥桂櫂高飛暮卷衣霧破遠風晴月正春薰沙草旅鴻歸樓臺倒射燈千嶂劍鏃平消柳十圍勝賞肯隨簫鼓歇錢塘烽火一年稀

其

六橋烟草古臨之百戰山容倚醉看春寺虹霞
連海甸冬青雷雨失衣冠牙檣香散林鶯出金
鼓雲埋石馬寒不信蒼茫人代隔星河欲動五

瀾



